

¡BOMBA!

Que ya tenemos los perfiles
para el Poder Judicial:
van a lista nominal,
y a decidir entre miles



K'untzil

Lunes 16 de diciembre de 2024

CAMPECHE · YUCATÁN · QUINTANA ROO · AÑO 10 · NÚMERO 2384 · www.lajornadamaya.mx

Zelmy Domínguez, xchuuy ti' u kaajil Tekit tu chíikbesaj Yucatán ti' jump'éel u múuch'il Unesco



Rodrigo Medina
Oochel Facebook Zelmy Dominguez

Waxakp'éel u ja'abil Zelmy Domínguez Chan ka'aj utschaj tu yich chuuy. Ti' tu na'ataje' uts u yich chuuy ku beeta'al Yucatán, u nook'il yéetel bix nupa'an tu kuxtal wíinik.

Ichil u k'iinil 14 tak 17 ti' noviembre ti' le ja'aba, Zelmye' béeychaj u táakpajal Original, Encuentro de arte textil mexicano, patjo'oltab tumen Organización de las Naciones Unidas para la Educación, la Ciencia y la Cultura

(Unesco) yéetel tumen Secretaría de Cultura ti' u jala'achil u noj lu'umil México. Te'el múuch'o' táakpajuláak' xchuuyo'ob ti' uláak' u péetlu'umkl México, beeta'ab tu kúuchil Los Pinos, Ciudad de México.

"Ichil u súutukil kaambal yéetel tsikbal yanchaje', béeychaj ktukultik, Ichil tuláakal ko'olel bino'one', leti'e' chuuy beetik kmúul yantal ti' le kuxtala'. Chúumuk ba'al ti'al tuláakal máaxo'on kchuuy tu

lu'umil México. Tak ilaje' yaan u jejeláasil puntadasil, nook'o'ob, hilos. Uláak bix u yúuchul chuuy", tu ya'alaj Domínguez Chan, xchuuy ti' u kaajil Tekit, úuchik u tsikbal yéetel La Jornada Maya.

"Tin paalile' uts tin wich in wilik u chuuy ka'ach in maama yéetel in chíich, ba'ale' beey úuchik u káajal u bin in wilik uláak' u jejeláasil meyaj'o'ob je'el bix chuuy ti' kanebáa, u chuuyil maakináa yéetel u maakinail

20U. In k'áat ka'ach in wil bix u meyaj tuláakal le ba'alobo", tu ya'alaj.

Walkila', Domínguez Chane' ku meyajtik óoxp'éel jejeláas ba'al: u chuuyil k'ab, ti' maakináa de pedal, yéetel u maakinail 20U, u ts'ooka' jump'éel ti' le maas uts tu yich.

"In maama ka'ansen, ku ya'alik ka'ach: 'kex ma' a meyajtike' yaan a beetik tumen ba'al kti'al. Juntúul xyucatanil ma' u yojel chuuye', ma' xyucatanili'", tu ya'alaj Zelmy Domínguez.